

D. D.  
 DISSERTATIO JURIDICA,  
 DE  
 DELINQUENTIUM AD PUBLICAM  
 IGNOMINIAM EXPOSITIONE,

---

QUAM  
 SUFFRAG. CONSULT. FACULT. JURID. IN  
 REG. ACAD. ABOENSI,

PRÆSIDE  
*MATTHIA CALONIO,*  
 JURIS PROF. REG. ET ORD.

*PUBLICE VENTILANDAM PROPONIT*

NICOLAUS BONSDORFF,  
 WIBURGENSIS.

*IN AUDITOR. MAJORI Die IV JUNII  
 A. MDCCCLXXXVIII.*

HORIS A. M. SOLITIS.

---

ABOÆ, Typis FRENCKELLIANIS.





§. I.

**P**OENÆ, quæ in patria delinquentibus irrogari solent, in quinque haud incommode classes distribui posse videntur. Sunt nimirum aliae *capitales*, aliae *corporis afflictivæ*, aliae *libertati noxiæ*, aliae *pecuniariæ*, aliae denique *famosæ*. De iis, quæ ad priores istas classes pertinent, quin ad tuendam publicam tranquillitatem & reprimendam maleficorum audaciam sint accommodæ & proinde retinendæ, vix dubitatur. Quæ enim a declamatoribus nonnullis pro totali pœnarum capitalium abrogatione inconsulte admodum sunt disputata, ea prudentiorum nunquam meruerunt calculum. Verum de postremi generis pœnis, quibus id praeceps agitur ut existimatio rei aut tollatur penitus, aut saltim, impressa sibi ignominiae quadam macula, diminuatur, an & quatenus in civitate bene constituta ferendæ sint, jam dudum motam fuisse & etjamnum moveri novimus controvèrsiam. Palmarium quod contra illas urgeri solet argumentum hue fere redit: repugnare eas principi pœnarum fini *correctioni* delinquentium: infamibus quippe omnem pæne eripi & vitæ legitimis modis sustentandæ & cum cæteris civibus in gratiam redeundi ra-

A

tio-

tionem: atque fieri proinde aliter non posse, quam ut ad desperationem redacti, in quamlibet improbitatem profligatissimi evadant, & inemendabilem tandem contrahant animi pravitatem, periculosam universæ civitati futuram. Sed præterquam quod pœnas ad *exemplum* potissimum comparatas esse oporteat, facile adparet, allatas rationes vix aliud evincere, quam multa circumspectione in constituendis famosis suppliciis opus esse, ne vel eorum effectus ad auferrandam reis communium humanitatis jurium & civilis securitatis fruitionem extendatur, vel infamia ipsa aliis temere inuratur, quam qui turpissimas & ab omni honestatis & pudoris sensu remotissimas machinati fraudes, eam ex communi civium opinione manifeste prodiderunt mentis suæ abjectionem, ut nulla amplius superfit spes eos ad meliorem unquam frugem reversuros. Licet ex omnium confessione Legumlatori avaritiam civium & voluptatem pœnis pertentare: quidni ergo & ambitionem, haud minus vehementer animæ humanæ adfectum, quantum ea ad homines a sceleribus avocandos valeat, experiri eidem licebit. Nemo fortassis est qui non perspexerit incredibilem plane esse vim, quam ad absterrendos homines a minoribus nonnullis delictis & licitis etjam quibusdam negotiis exercet, adhærens illis *levis notæ*, quæ dici suevit, *macula*, nuda licet plerumque vulgi opinione subnixa, nec ullo fere legum præsidio munita. Qvanto itaque potentior censenda erit, quam & mo-

& mores adprobant & leges decernunt existimationis aut jactura aut diminutio, pœnæ loco turpioribus criminibus proposita. Nec video quidquam ex illa civitati meuendum esse mali, si modo parcus eadem adhibetur & intra justos suos restringatur limites. Hinc tantum abest ut vel cum TITIO *Jur. Priv. Libr. III. c. 3. §. 23.* pœnas hasce famosas, ceu absurdas penitus proscribendas velimus; vel cum THOMASIO diff. *an poenæ vivent. eos infamantes sint abrogandæ,* noxias eas aut saltim parum utiles statuamus: ut nec assentiri possimus WIELAND. *Geist der peinl. Gesetze §. §. 327, 328.* qui eas ferendas quidem sed cum perpetui carceris suppicio semper conjungendas est arbitratus. Parum sane in iis ad exemplum esset efficaciæ, si ergastulorum claustris omnia earum concluderentur vestigia. Interest ut innotescat in publicum quantum Leges inter bonos cives & insignite improbos statuant discrimen, quo sic notoria horum contumelia aliis ad paria vitanda flagitia tanto efficaciori documento inservire queat.

## §. II.

Tripli autem in primis ratione pœnæ famosæ delinquentibus irrogari solent. Vel enim (1) ex expressa legis sanctione, solleñibus, pro re nata formulæ, *mifte åran, IV. 6. GB. VIII. 3. HBL. VII. 4. VIII. 3. MGBl. vare åreløs XIII. 3. JB. VIII. 3. HBL. VII. 1.*

VIII. 1. 4. LX. 4. MGBL. XV. 14 XVII. 19. RBL.  
 vare aldrig vitnesbär XVII. 18. RB. vare ovärdig at  
 uti K. M. och Kronans tjenst, bättre eller sämre, någon-  
 sin brukas och nyttjas. K. Kung. d. 28 Aug. 1778. in-  
 famia, quam vocant, juris, sive majori, sive minori  
 notantur: vel (2) ex tacita juris dispositione ob infa-  
 mans crimen, furtum e. c. patratum, omnibus infa-  
 miæ effectibus, sine expressa tamen notatione, subjici-  
 untur: K. Bref. d. 16 Febr. 1738. vel denique (3) pu-  
 blico quodam in loco plebis ludibrio & contumeliis  
 ignominioso aliquo cum apparatu exponuntur. De  
 ipsa vero *infamia juris*, variisque quæ eam sequun-  
 tur incommodis, cum a Celeberr. olim RABENIO, e-  
 ditis Upsaliæ a. 1755 duabus dissertationibus accurate  
 & copiose satis fit expositum; nos actum agere no-  
 lentes, ultimum solum ejus irrogandæ modum, quam  
*Catamidationis* pœnam, vocabulo a Græco καταμί-  
 διασθαι deducto, de quo tamen cfr. GESNERI Thesaur.  
*L. Lat.* ad voce. *Catomus* & *Catomidiare*, adpellare  
 nonnullis placuit, vid. SCHRÖTER von der *Catamidia-*  
*tione &c.* in SIEBENKEES *Jurist. Magazin* I. 33. pau-  
 cissimis, pro ea qua premimur temporis angustia,  
 explicare conabimur, æquiorem nobis pollicentes  
 Benevoli Lectoris censuram.

## §, III.

Quo certius est amplissimam quæ virtutem co-  
 mitatur mercedem gloriæ esse, & paucissimos adeo  
 usque

usque reperiri degeneres quin nonnullo saltim laudis studio trahantur; eo minus dubitandum *publicam contumeliam* pœnarum fere omnium esse acerbissimam & ipsa haud raro morte acerbiorem. Hinc neque mirum cuiquam videbitur ab ultima retro antiquitate invaluisse morem, eos qui verecundiae fines transgressi gravioribus se commaculassent flagitiis, propalam deridendos exponendi. Et facile dixeris Legumlatores in coërcendis levioribus quidem, sed dominantibus vitiis, ægriusque ideo eradicandis, vix unquam felicius versatos, quam statuta illis pœna, qua in ludibrium verterentur. Observat ex *Diodoro Siculo* THOMASIUS *Diff. cit.* §. 5. *Charondam*, inter alias, legem tulisse contra dolosos calumniatores, ut per urbem coronati circumveharentur, quo cunctis civibus sic ostentati innotescerent, & tanquam perniciosissimi criminis genere contaminati a populo exagitarentur; ejusque legis severitatem id effecisse ut *Respublica ea peste purgata æquabilius in posterum administratur*. Similia huic aliarum priscarum gentium instituta commemorare non vacat. *Medio autem ævo*, in ea quæ tum viguit morum asperitate, quam frequens fuerit hujusmodi pœnarum usus in vulgas notum est. Testantur id pœnæ, *uvroDrgias*, Nobilibus, & *Sellæ* in proximum comitatum *gestandæ*, Ministeriis ob incendia & deprædationes impositæ capitisque supplicio præmissæ, de quibus *du CANGE in Gloff. med. & inf. Lat. voce Canis.* Evincunt idem

*Mitra contumeliosa*, qua perjuros testes punire olim  
 sueverunt gentes Italicae perplurimæ, quamque ho-  
 dienum adhuc retentam *Leges Sardinicæ Libr. IV. Tit.*  
*34. c. II. §. 2.* hunc in modum describunt: *quiconque*  
*déposera le faux - - encourra la peine, si c'est un homme,*  
*d'être conduit mitré sur une âne par les rues publiques*  
*avec une rame sur l'épaule &c.* cfr. **BODIN.** de *Re-*  
*publ. Libr. VI. p. m. 1198* pariter ac ignominiosus *ces-*  
*sionis bonorum processus* fraudulentis Debitoribus his in  
 terris & vicinis aliis gentibus præscriptus, cuius ite-  
 rum ex *Jure Sardinico Libr. III. Tit. 33. §§. 2. 3.*  
 hic est tenor: *Tous ceux qui voudront la faire, compa-*  
*roiront personnellement par devant le Tribunal, sans ca-*  
*cher aucun de leurs biens, ni omettre aucune des solemni-*  
*tés que le Droit prescrit; ils demeureront debout pen-*  
*dant quelque peu de temps, à l'heure que se tiennent les*  
*causes, sur une pierre devant la porte du dit Tribunal, ou,*  
*n'ayant que la chemise & s'étant en suite assis sur la dite*  
*pierre, ils diront a haute voix: CEDO BONIS. On com-*  
*mettra le Juge ordinaire - - pour faire les cessions igno-*  
*minieuses après avoir fait sonner la cloche ou battre la*  
*caisse.* Pertinent huc quoque *Cavea ferrea* cui edibi-  
 les fructus e hortis furati conspiciendi a populo inclu-  
 debantur: *Corona straminea* publicatæ pudicitiae femi-  
 nis ex oppidis per lictorem cum tympano unico pi-  
 stillo pulsato relegandis imposita, & quæ sunt hujus  
 generis plura, apud Germanos & Anglos in primis o-  
 lim & qua partem etiamnum usitata. Nec incognita  
 anti-

antiquis nostris Suionibus hæc fuit civium in vitia odium & in improbos offensionem concitandi via. Cui non auditum est *Pallium Urbis*, *Stadsins Mantol XV.* 2. *BjörkR.* quo induita uxor adultera per plateas urbis circum circa agebatur: Cui non, *Famoſi Lapi-des*, *Stadsens Stena*, a soluta quæ alieno marito se subdidisset gestandi X. 2. *GBl. St. L.* Cui non, indecentior quidem, sed rudi iſtius ſæculi genio haud incongruus *ritus* quo onerata dictis lapidibus femina adulterum per omnem urbem ducere cogebatur, *ll. citt.* descriptus, nec noſratibus ſolum, ſed & Danis, ut patet ex c. 30. *Juris civit. Dan. comm.* in append. ad *Tom. II. Histor. Jur. Dan. ANCHERI p. 197.* & Ripenſibus, teſte *Jure civico Rip.* *ibd. p. 261.* atque Lubecensibus, notante *HEINECCTO* in *Præf. ad T. I. Elem. Jur. Germ.* frequentatus. Ad ignominiam quoque inferendam directa erat, cuius etjam *TACITUS de Mor. Germ.* c. 19. meminit, *Decalvationis poena*, qua violatam conju-galem fidem in uxoribus vindicabant. *VI. ÅBl. Upl. L. in pr.* Et pari plane consilio factum, ut enormiorum, prout tunc erant tempora, criminum reis, ducta ex contumelia, imponerent cognomina, quibus suam ipſis turpitudinem identidem exprobrarent. Sic Ter-minorum motores *Ormyliae II. 4. BygdBl. WGL.* Fures alienarum frugum *Agnabaker XLIX. 1. MHBl. Upl. L. XXXII. MHBl. HL. in pr.* Pecorum aba-ctores *Gorrtiufver. XXXII. WadhamBl. ÖGL. in pr. II. TiufBl. LL. in pr.* Adulteras denique uxores *Hor-flakka*

\* \* \* \*

flakka VI. ABI. Upl. L. in pr. per convitum adpellandas voluerunt.

§. IV.

Sed peregrinis hisce & obsoletis dudum diutius immorari haud adtinet. Sunt procul dubio in illis multa, quæ suo quamvis ævo communi hominum iudicio probarentur, hodiernis tamen moribus, cultioribus quippe & delicatori pudoris sensu perpolitis, quin imo in mollitiem aliquam prolabentibus neutram convenirent, nisi medicinam velles morbis ipsis perniciosiorem. At nec dum ab hac via penitus est discessum. Non quidem *adscititia ignominia* dedecore jam sœvitur in delicta, quorum exercitium furor quidam regit & adfectuum vehementia, & a quibus parum sibi cavere valet humana imbecillitas. Nec plebis convitiis proscindendi facile objiciuntur, qui, deliberato licet animo, turpe ausi facinus, communem tamen quendam malitiae modum non exceperunt. Docuit enim experientia ad heroica non confugiendum esse remedia, quamdiu mitiora & quotidiana contagioni quadanterus expurgandæ sufficiunt: intempestiva namque aut crebriori eorum administratione vel graviora provocari symptomata, vel sic contra illorum virtutem indurari corpora, ut in desperatis malis parum omnino vel nihil ex iisdem ad sanitatem recuperandam sentiant adjumenti. Quoties au-

tem

\* ) 9 ( \*

tem egressa ultra confuetos terminos improborum malignitas, astu, infidiis & effreni petulantia infamis, severiori ad fidem ac honestatem publicam vindicandam *exemplo* opus esse arguit: toties etjamnum in contumelia reis follenniter quasi illata illud ipsum querendum esse Legum nostrarum judicavit sapientia. Poenas vero ipsas hoc consilio proditas, brevissimis jam perlustrabimus.

§. V.

In his *prima* esto NUMELLARUM POENA, qua reus palo, in publico & editiori loco erecto, collaris ferreo alligatus per certum temporis spatium, plebi deridendus exhibetur, stålles i halsjårn för en påle på Torg eller allmån Tingstad at skåmmas. Hæc namque omnium hujus generis & atrocissima est, & latissimi usus, nec *regulariter* unquam sola cuiquam infligitur, sed aliam poenam vel corporis afflictivam vel capitalem sibi habet adjunctam. Dispesci autem potest in *Simplicem*, qualem jam definivimus, & *qualificatam* cui probrofa quædam præterea admissi criminis *notatio* *sive expressa* *sive symbolica*, accedit. Simplici illa plectuntur (1) *Improbi Debtores*, qui dolo malo alienas decoixerunt pecunias & fraudulenter se contra suos Creditores gesserunt, carcere insuper ad aquam & panem vel operis publicis, pro gravitate circumstantiarum, puniendi. Mitius de horum crimine,

B

quan-

quantumvis ad eversionem publicæ fidei directo, sensisse videntur Juris nostri Conditores, quippe qui, ut ut contumeliae plebis eos exponendos juberent, collarium tamen ferreorum nullam faciunt mentionem  
*XVI. 4. HBl. K. Plac. ang. upfåtel. fallissim. d. 14. Martii 1699* quibus itaque eos ad palum per bihorium constringendos esse recentiori demum lege est sancitum. *K. M. Stadga om. afstråd. mål d. 26 Aug. 1773. §. 15.* qua & eorum infamiam ad communem omnium civium notitiam Novellarum hebdomadalium ope perducendam esse edicitur. (2). *Falsarii*, qui Judiciorum tabulas, libros censuales, rationum fiscalium codices, aut alia quæcunque publica instrumenta deliverint, interleverint, subjecerint, perverterint aut quocunque modo corruperint, ad operas publicas, pro ratione culpæ præterea condemnandi. *VIII. 2. MGB.* (3). Qui vel societatem *falsi* in chirographis *Argentariæ Ordinum Regni* admissi contraxerint, (Falsariis enim ipsis suspendii pœnam dicitat *K. Førordn. d. 2. Maii 1747*), vel alienum ementiti nomen, pecuniam inde solvendam falso delegaverint, vel veram ac genuinam delegationem falsificaverint, vel consilio operaque ad ejusmodi *falsa delegationis* consignationem aut distractionem concurrerint. Et hi quidem, post perpessam per bihorii aut horæ spatium hanc contumeliam, fustigatione insuper vel carena plectuntur, & si quod damnum ea re datum fuerit, *operis publicis*, per annum vel plures præstandis, mancipantur.

*K. Før-*

K. Förordn. ang. orikt. assignat. på R. Ständers Wäxel-Banco d. 10 Decembr. 1741, §. §. 1. 3. (4) denique qui aliena jumenta aut pecora, cfr. IX. 6. BBl. e pascuis septis aut non conceptis abegerint inque iis furtum commiserint, indeprecabili insimul fustigationis aut virgarum vel operarum poena pro re nata coercendi.

*XLIV. 1. MGBl. coll. cum K. Förordn. d. 3. Aug. 1748.* Quod & de iis valet, qui cicures Lapponum Rhenones, vel doloso lucifaciendi animo interficiunt, vel culpa casuue imperfectas legitime non denunciarerint.

*K. Förordn. d. 21 Aug. 1766.* Qualificata contra numellarum poena eos manet (1) qui aut ex vita tædio, aut promeritam fustigationis poenam vitaturi, capitisque supplicium, quo suis liberentur miseriis, sibimet ipsis acceleraturi, vel proprios vel alienos infantes, vel alium quemcunque adultæ ætatis hominem nefaria ac desperata plane audacia necaverint. Etenim cum ad explendos omnes hujus facinoris numeros, plura eaque atrocissima concufrant scelera, homicidium nempe infidiosum, parricidium non nunquam, & crassissima quædam suicidii indirecti species, multæ etjam severitatis exemplum in enormiter adeo flagitiosos extare voluit Legumlator. Hinc præter ordinariam, quam meruerunt capitis poenam, condemnandi veniunt, att i the ståder, ther fången i håkte sätter, på ett, och i Stockholms Stad på Tu särskilda Torg, ställas tvåne dagar å rad i halsjärn med en Tafla öfver hufvudet, hvarpå brottet är beskrifvit,

samt af en Bödelsknekt med spô eller risflitande affras-  
 fas till och med Trettio par spô eller tiugu try par ris,  
 try flag af paret, hålsten hvarthera dageu, och sedan  
 missdådaren therefter haft rådrum til beredelse, med til-  
 bundna ögon på en kårra till afrättsplatsen utföras att  
 thet ådömde straffet undergå. K. Br. d. 24 April 1754.  
 Sunt quidem qui in hoc casu poenam capit is tantum  
 non absurdam esse contendant, quippe quod ea re de-  
 linquens nefarii sui voti compos reddatur. QUISTORP.  
*Entwurf zu einem Gesetzbuch P. I. §. 24.* BESEKE  
*de homic. ex vitæ tædio ad oppet. mortem commissō non*  
*mort. poena sed perp. carc. puniendo Halæ 1772.* Sed  
 ut eos in gravi versari errore ab aliis satis est ostend-  
 sum, cfr. WIELAND *l. cit. §. 253* ita nec dubitandum  
 quin publice intersit exasperari, prout jam diximus,  
 tanti flagitii ultiōnem: quamvis non defint qui in sim-  
 plici capit is poena his inflcta satis ad vindictam esse  
 arbitrentur. KRESSIUS *ad Const. crim. Carol. Art. 137.*  
*§. 2. n. 3* cfr. WESTPHAL. *das Crimin. Recht Obs. 94.*  
*pp. 421. seqq.* (2) Qui mercibus venalibus mensurandis  
 sunt præpositi, & ad fidem in officio adhibendam jura-  
 mento obstricti, si eo in negotio five injusta utendo  
 mensura, five alia quacunque ratione *falsum* commise-  
 rint. Hi scilicet, quemadmodum publicam securita-  
 tem tanto fördius violent, quanto difficilius singulis  
 accidit ab eorum sibi cavere fraudibus; ita & numel-  
 lis palo per unius horæ intervallum alligati, ad acu-  
 endam sui contumeliam, ligonem (*Skofuel*), perfidiæ  
 fuæ

suæ indicem, manu tenere coguntur. *VIII. 4. HBl.*  
*coll. c. K. Förordn. d. 1. Octob. 1752.* Præter hæc au-  
tem, quæ hactenus recensuimus crimina, nulla est,  
quantum nunc quidem in memoriam nobis revocare  
possimus, cui in Jure nostro numellarum ignominia  
generaliter constituta legatur. Fit tamen nonnun-  
quam, ut dum in *capitalibus*, iis in primis, quæ vel  
singularis *falsi* gravitas *VII. 1. MGB.*; vel *calumniae*  
indignitas *LX. 1. MGB.* vel *perfidiae* magnitudo. *IV.*  
*5. XLV. 2. MGB.* infamat, ob mitigantes forte ratio-  
nes, sanguinis poena remittitur, extraordinaria qua-  
dam alia in ejus locum surrogata; aut dum ob turpi-  
tudinis insolentiani ordinarium criminis supplicium  
exacerbandum reipublicæ salus flagitat; ut inquam  
in istiusmodi casibus, præter consuetam jurisdictionis  
formam, numellarum quoque poena, vel *simplex* vel  
*qualificata*, reo irrogetur. Exempla in aëlis judiciali-  
bus passim obvia allegare jam non refert. Addere  
duntaxat licebit, ex peculiari urbis Holmensis statu-  
to, *Instr. för Quarters-Upplyningsm. d. 21 April 1722*  
§. 7. eos qui fordes & purgamenta urbis ad palos,  
quibus numellæ adfixæ hærent, projicere deprehensi  
fuerint, ipsos mox, absque prævia Judicis sententia,  
numellis esse constringendos. Verum cum extempo-  
ralis hæc animadversio, si vel aliqua ejus adhuc dum  
vigeat observantia, ad boni tantum ordinis & salu-  
britatis urbicæ custodiam spectet, adeoque nec ullam  
secum comitem habeat *infamiam*, ex *crimine* quippe

non ex *poena* provenientem: haud difficulter intelligitur, illam ipsam ad aliam plane, quam de qua nobis jam sermo est, *coercitionum* speciem pertinere.

## §. VI.

Adfinis pœnæ numellarum ideoque secundo loco a nobis commemoranda est ea, qua *Lenones* ad palum pœnalem ordinarium, (*Kåken, Straffpålen*) contumelias a plebe adficiendi per triduum exponuntur, a carnifice deinde susibus aut virgis graviter cædendi, & ad *triennales* operas publicas, vel perpetuas, si iterari crimen contigerit, alegandi *LVI. 1. MGB.* Spurcissimum crimen, quo fornicationes, adulteria, stupra, procurantur, & ita quidem plerumque, ut ex fœdissima opera lucrum quæratur, maximum in civitate malorum caussam existere omnium temporum evicit experientia. Quotus quisque est qui non intelligit, admissis vel toleratis saltē publicis turpissimarum voluptatum officinis & flagitorum diversoriis vix ullam illibatam persistere posse pudicitiam: consumi paullatim omnem in sequiori sexu verecundiam, fidissimam suæ virtutis custodem: Juvenes præmatura sic exhausti libidine, ut non senectuti demum, sed ipsi virili ætati effeta tradant corpora: morbos contagiosos, ipsos vitalitatis fontes teterima infestantes lue, longe lateque propagari: Moribus in universum funestissimas parari insidias:

Gen-

Gentisque totius sanitatem ac vires sic infringi, ut quæ anteā animi alacritate & vegeto corporum robore erat conspicua, quandam jam ambulantium cadaverum colluviem referre videatur, cfr. SUSSMILCH *Göttl. ordn.* §. 240-245. p. m. 463 *sqq.* Intam secunda autem pullulantium hinc cum in privatam tum in publicam rem damnorum segete, quo magis laudatidi sunt, qui Lenones ut *perfiferos & communes castitatis vastatores* *Justin. Nov. XIV.* acerbissimis persecuti sunt suppliciis, eo acrius reprehendendi, qui fallâ stantum utrique momentorum computatione decepti, in obsceneo eorum quæstu consistendum saltim judicaront, minorum commodorum dispendio majora redimi posse mala perperam arbitrati. Ignobatum interea nostratibus olim fuisse lenocinii crimen, præter pudicos gentis mores, indicio est altum, quod de illo in antiquis legibus, si solas excepseris *Wibyenses*, invectæ ab exteris spurcitici testes *Göttl. StL. L. 1. c. 48.* observatur silentium. Gliſſenti vero tandem in maritimis classium stationibus malo lex opposita in *K. M. Sib Artic. d. 2 Maii 1685.* §. 254 infamiam & relegationem ignominiosam a carnifice peragendam cum confiscatione omnium mobilium lenonibus minitata. Quocirca & in communibus judiciis invaluit, ut quæ quæstum corpore fecissent mulieres durius tractarentur, ceu colligere est ex *K. Br. d. 8 Novembr. 1693.* & *K. M. Refr. til Abo HofR. d. 3. Febr. 1702* quo prostitutæ pudicitiae semina tribus diebus continuis, per bihorium unaquaque die numel-

numellis plectenda & dein virgis acriter cædenda (*Skarpt hudstrykas*) urbeque expellenda præcipiebatur. Cui quidem fori usui conformiter, adhibito tamen quodam, quod & numellas fustulit, & relegationis vice in ergastula detrusionem substituit, temperamento, ea demum, quam supra descripsimus, *Codice Fridericiano* Lenonibus statuta est poena, sceleris turpitudinem sua ignominia exæquans. Habet vero illa hoc sibi proprium, quod fustigationi, quo usque continuari debeat certus nullus, ut alias *V. 2. Str. Bl.* præfixus sit terminus. Qua ex re consequitur, in eum qui executioni præpositus est collatum esse, ut ex æstate & viribus delinquentis poenæ quantitatem aestimet, illumque tamdiu cædendum curet, donec vel irreparabilis sanitatis jactura manifesto metuenda, vel imminens vitae periculum, finem huic lanienæ faciendum esse admonuerint.

## §. VII.

*Tertium in hoc genere locum occupabit, POENA MULCTRÆ, levior multo quidem illa, at contumeliosa tamen fatis, qua is qui alienam vaccam, ovem vel capram, in pascuis intra vel extra septa agentem, mulxit, ad valvas judicij mulctræ manu tenens per horæ unius spatium deridendus sistitur XLIII. 4. MGB. Stånde vid Tings dör, eller Rådstufvu dör en tima, med miðkekáril i handen. Civili poena delictum hocce olim*

vin-

vindicabant nostrates, voracitatem quandam potius; quam malitiosum lucrificiendi studium eidem subesse arbitrati, rejecta idcirco in Titulum de jure ædificandi ejus mentione *XXVI Widherb. Bl. Upl.L. XXIX BBl. Westm.L. XXI. Widh. Bl. Helf.L. XLII. BBl. LL. XV. BBl. St.L. in pr.* Verum inter *furta & qui-*  
*dem qualificata* illud retulit hodiernus Codex, ob da-  
*mni tamen inde venturi & parvitatem & incertitudi-*  
*nem, pluresque caussas, quæ levitatis humanarum*  
*mentium rationem habendam hic potissimum suadent,*  
*alia quam qua reus plebi, ut diximus, ludificandus*  
*objiceretur, ejus coercitione non proposita: de qua,*  
*utrum castigationis, quod Nobil. EHRENSTÅLE visum*  
*Jurispr. Crim. Sect. I. c. IV. §. 141. an criminalis pa-*  
*næ qnædam species rectius existimari deberet, ambi-*  
*guum quadantenus videri poterat. At quidquid hujus*  
*sit, cum multiplicata jam alicubi, in Fennia enim nostra si*  
*non inaudita prorsus, certe rariissima exstitere hujus de-*  
*licti exempla, adjungendam fuaserint huic contumeliae*  
*pœnam aliam corporis afflictivam, fustigationis nempe,*  
*modicam fane quidem illam, at pecunia tamen non*  
*luendam, K. Fbrordi. d. 21. Januar. 1773; nullum am-*  
*plius supereft dubium, quin ista ad fores Judiciorum*  
*expositio, cum inexpiabili quippe & dedecorante cor-*  
*poris suppicio I. 2. in fin. V. 5. Str. Bl. conjuncta,*  
*& litoris, de quo V. 2. Str. Bl. ministerio nunc ut et-*  
*jam antea peragenda, eam secum ferat ignominiam,*  
*& existimationi delinquentis in tantum sit noxia, ut*

notissimis castigatoriæ animadversionis terminis comprehendì omnino nequeat. Probe autem notandum, non obtinere hanc poenam nisi pecore in pascuis agente factus fuerit mulctus. Præterquam enim quod communissimis interpretandi regulis adversum foret sanctionem legis *Capiti de furtis in agro & in res extra privatam custodiam positas commissis insertam*, ultra substratam materiam, rubro ipsius *Capitis* clarissime definitam, prout in foro factum aliquando novimus, extendere velle: *restrictivam* quoque nostram interpretationem validissime confirmat, quod in allegata *Constitutione Regia*, qua pena hujus criminis exasperatur, occurrit præceptum, de eadem ipsa *Constitutione*, ne ulla ejus prætendi queat ignorantia, & quotannis ad initium mensis Maji, quo nimur tempore pecora in pastum emitti solent, in concione sacra publice recitanda & in urbibus præterea ad teloniorum portas, per quas ad pascua itur, adfigenda. Si quid enim aliud, hoc certe manifestissimo est arguento, non id hac lege agi, ut a pecorum sub tectis degentium & in stabulis suis hybernantium uberibus furtivæ avocentur manus, sed id solum, ut in pascuis a ligurientium hominum aviditate secura præstentur. Cfr. K. Förordn. d. 3. Aug. 1748. Ab ignominiosa autem hac, de qua haec tenus, pena non multum abludit illa, qua, in casu speciali, homo quidam nequam, qui equorum ac boum alienorum in agris palantium jubarbas caudasque insueta petulantia detonderat, ad fo-  
res

res judicij, caudam vaccinam, turpis facti interpretem, manu tenens, per horae intervallum fistendus jubebatur *K. Rescr. til Gôtha HofR. d. 9. Januar. 1754.* Quod tamen præjudicium, cum in similibus, si forte inciderint, delictis ad consequentiam producendam non esse ipse caverit Legumlator, summam Ejus ea in re sapientiam venerari nos oportet. Satius scilicet sicut vindicatum in casu dato incredibile flagitium silentio involvere, quam promulgata generali illius poena, ægerrime præterea ad singulas ejus formas adaptanda, ostendere, posse tantam in homines cadere nequitiam.

### §. VIII.

Adjungimus his *quarto* demum & ultimo loco poenam **COMPEDUM CUM RAMO**, *Stockstraff med en gren i handen*, qua qui arbores ornatus caussa & in ambulationum usum ad alienas ædes & prædia plantatas vel sepes vivas, proterva malitia, cecidisse, corrupisse vel quacunque ratione inutiles reddidisse deprehensi fuerint, compedibus vinceti ad valvas templi, dum sacra habetur concio, arboris aliquem ramum manu tenentes, publice conspiciendi exhibentur. Pecuniariam tantum huic improbitati Jure communi decretam fuisse multam notum est *XX. II. MLB.* Verum cum re topiaria recentiori hac ætate longius in patria provehi coepit, crebrioribus nefandæ proterviae documentis

liquido adpareret, non satis in illa innocuis arboribus delectationis & honestæ recreationis caussa consitis esse præsidii, necessarium evasit hoc contumeliæ additamento securitati earum prospicere. *K. Förordn. d. 30. April 1777.* Et licet negandum non videatur mitiorem multo, quam præcedentis, hujus poenæ esse ignominiam; præprimis quod nec ejus executioni *litteris* interveniat opera, nec reus plebi conspuendus quasi tradatur, loci videlicet religione graviora prohibente ludibria: Attamen cum probroso nomine *Nidingsverk*, singularis turpitudinis criminibus in personas extra defensionis statum constitutas perpetratis proprio, hanc petulantiam notare, & publicam ejus e suggestu manifestationem Clero injungere, Legumlatori placuerit, *l. cit.* vix est ambigendum, quin haec ipsa, quamvis tota *juris infamia* reum non oneret, existimationem nihilo minus ejus vehementer fugillet, multamque reliquam faciat lituram difficillime abscondendam.

### §. IX.

Præter has, quarum recensum jam egimus, nulla in Jure patrio occurrit *pæna*, ad provocanda in reum plebis ludibria directe tendens, quæ inter *criminales* proprie sic dictas referri & *ignominiosa* censi mereretur. Sancit quidem *III. 2. MGBI.* impuberes execrationibus indulgere deprehensos *compeditos* tem-

plo-

plorum valvis esse admovendos. *Ebrietatis quoque multam infimae fortis hominibus impositam*, si ei solvendo non fuerint, prima alteraque vice *compedibus* pariter luendam jubet *K. Förordn. d. 17. April 1733*, §. 2. Etjam *Vespillonibus* sepulera vacuaturis, si ex eorum purgamentis dolose lucrifecerint, *compedes* impingendas, iisque *vinclos ligonem* manu tenentes ad fores templorum parochianis contemptim exhibendos præcipit *K. Br. till Confist. d. 24. Januar. 1751*. Noto porro notius est in *Jure militari* obtainere, ut qui levius deliquerint gregarii milites *Equo ligneo* deridendi imponantur. *K. Krigs-Artic. 1683.* §. 57. *K. Söd-Artic. 1685.* §. 89. Sed quis non intelligit, omnes has coercitionis species, & si quæ forte his similes fuerint, quamvis non omni careant contumelia, ad emendationem in primis delinquentis esse comparatas, nec indebili ulla reum ex iis ignominiae macula adspergi. Cum itaque intra honestioris *disciplinæ* & *castigationis* terminos earum subsistat usus, neque opus est, ut illis prolixius discutiendis immoremur.

## §. X.

Multo minus in *ignominiosis* connumeranda est, quæ adcurate loquendo ne pœnæ quidem nomen tueri potest, *SELLA POENITENTIALIS*, *Plikte pallen*, cui una, duabus, aut ad summum tribus diebus dominicis in cœtu sacro infidere coguntur rei eorum præ-

cipue' criminum quæ christianæ virtuti & morum  
puritati maxime repugnare judicantur, datum a se  
scandalum, antequam *absolutionem*, quam vocant, im-  
petrare possint, publica deprecatione & vitæ emenda-  
tius instituendæ promissione piaturi. Uteunque enim  
in confessio sit *poenitentiam* hanc *publicam* a primæva sua  
institutione, jam pridem degenerasse; & ex eo tempore  
quo judiciali quadam via invitis obtrudi, & civilibus ef-  
fectibus vestiri cœpit, pœnalis coercitionis ad *numilla-  
rum* infamiam quam proxime accendentis faciem sibi in-  
duisse; cfr. BOEHMER *Dissert. III. ad Plin.* & Tertull. *de  
conf&d. Christ. discipl.* expediti tamen juris videtur, eam  
pœnis proprie talibus, nisi & damni reparationem pœ-  
nam dicere velis, accensendam non esse. Non inficiamur  
Leges, vulgi haud raro opinioni subservientes, in eum  
fere loqui sensum ac si pœnæ ratio huic pœnitentiæ sub-  
asset. Sed dum ex adversa parte Jura nostra agnoscunt  
illam diversæ religionis civibus irrogari non posse: Im-  
pœnitentes ad eam non admittendos, sed pœnalibus po-  
tius remediis ad edendam confessionem adigendos, vel  
si his nihil effici poterit, Divino judicio submittendos: Et  
principem ejus finem *reconciliationem* esse cum Ecclesia:  
evidenter est quam ut demonstrari prolixius debeat,  
eam extra nostræ tractationis limites positam jam esse.  
Cfr. *Dissert de Præscript. crimin. Aboae. 1785 §. XI.*